

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

漢魏六朝百三家集

梁

何記室

第八十二冊

V. 82

何陋室集題詞

何陋室集

何記室集

何記室集題詞

何仲言文名齊劉孝綽詩名齊陰子
堅今集中文頗少爲衡山侯與婦一
書詞林見賞亦閨房語耳未可方阿
士也子堅長於近體安樂宮詩尤稱
除八病協五音然風格遠不逮仲言

銅雀妓宿南洲浦諸詩又不知何以
比肩同聲也秀才對策南鄉所重旣
恨未見昏鴉接翅歸金粟裏搔頭等
語集亦無有今所傳者隱侯讀詩一
日三復文集入洛諸賢並贊以此名
高耳少陵佳句多從仲言脫出是以

有能詩何水曹之句後世詩人知慕
少陵卽慕仲言雖顏黃門致譏貧寒
無貶聲價蓋古人詩名有因後人而
益貴者陰何其類也

婁東張溥題

豈貴者能同其賤也

非其類也

無須贊賈蓋古人病各有所因絲人而

少翅唱慕中言雖賤黃門姪猶角果

亦對詩何本曹之同絲世積人味慕

梁何記室集目錄

賦

窮鳥賦

牋

與建安王謝秀才牋

爲孔導辭建安王牋

書

爲衡山侯與婦書

七

七召

樂府

銅雀妓

擬輕薄篇

門有車馬客

昭君怨

詩

九日侍宴樂遊苑

登石頭城

望廨前水竹答崔錄事

暮秋答朱記室

酬范記室雲

落日前墟望贈范廣州雲

日夕望江山贈魚司馬

答邱長史

道中贈桓司馬季珪

夕望江橋示羣諮議楊建康江主簿

寄江州褚諮議

入西塞示南府同僚

下直出谿邊望答虞丹徒教

贈諸遊舊

贈族人秣陵兄弟

秋夕仰贈從兄寘南

仰贈從兄興寘南

贈江長史別

送韋司馬別

南還道中送贈劉諮議別

與崔錄事別兼敘攜手

別沈助教

與沈助教同宿湓口夜別

與蘇九德別

贈韋記室黯別

初發新林

渡連圻二首

下方山

入東經諸暨縣下浙江作

還渡五洲

春夕早泊和劉諮議落日望水

和劉諮議守風

宿南洲浦

學古贈丘永嘉征還

和蕭諮議岑離閨怨

嘲劉諮議

詠照鏡

擬青青河畔草轉韻體爲人作其人識

節工歌

學古三首

聊作百一體

早朝車中聽望

臨行公車

秋夕歎白髮

夜夢故人

從主移西州寓直齋內霖雨不晴懷郡

中遊聚

劉博士江丞朱從事同顧不值作詩云

爾

春暮喜晴酬袁戶曹苦雨

苦熱

七夕

揚州法曹梅花盛開

行經孫氏陵

塘邊見古塚

哭吳興柳惲

登禪岡寺望和虞記室

答高博士

贈王左丞

敬酬王明府

西州直示同員

野夕答孫郎擢

石頭答庾郎丹

日夕出富陽浦口和朗公

臨行與故遊夜別

與胡興安夜別

車中見新林分別甚盛

曉發

慈姥磯

見征人分別

同虞記室登樓望遠歸

與虞記室諸人詠扇

看伏郎新婚

詠娼婦

詠舞

望新月示同羈

詠春雪寄族人治書思澄

和司馬博士詠雪

詠白鷗兼嘲別者

行經范僕射故宅

王尚書瞻祖日

送褚都曹

送司馬入五城

邊城思

爲人妾思二首

爲人妾怨

閨怨二首

南苑

苑中見美人

詠春風

離夜聽琴

相送

答江革聯句不成

又答江革

詠雜花

聯句

擬古三首聯句

往晉陵聯句

范廣州宅聯句

相送聯句

至大雷聯句

賦詠聯句

臨別聯句

增新曲相對聯句

照水聯句

折花聯句

搖扇聯句

正釵聯句

附錄

本傳

何記室集卷全

梁東海何遜著

明太倉張溥閱

賦

窮鳥賦

嗟窮鳥之小鳥、意局促而馴擾、聲遇物而知哀、
翮排空而不矯、望絕侶於夕霞、聽翔羣於月曉、
既滅志於雲霄、遂甘心於園沼、時復捨榆決至、
觸案窮歸、若中氣而自墮、似驚弦之不飛、同雞

塹而共宿、啄鴈稗以爭肥、異海鷗之去就、無青、
鳥之是非、豈能瑞周德而丹羽、感燕悲而素暉、
雖有知於理會、終失悟於心機、

牋

與建安王謝秀才牋

州民泥塗何遜死罪卽日被板以民克年秀才
民謝聲 非關右月旦 名誰錄覩

物託興乏澹雅之木

文豈飄然之作伏

惟大王殿下令聞令望邁楚逾河好德好士雲
歸海赴若夫選重雄州望隆觀國必使聲高後
進德繼前修民學異扣鍾辨慚炙輠將以允應
貢選待問金門上第甲科旣慚髣髴管窺雖畫

彌畏友朋恩榮忽賁固請無涯便當安忝魯服
濫同齊吹戰荷屏營忻惶共色不任下情謹奉
牋以聞

爲孔導辭建安王牋

士實塗泥美非竹箭昔逢際會忝申名質悠悠
漢水獨驚輕舟雖慕義如歸而暗投多愬遂禮
頻上席愛比後車感此隆遇久知輕死軒蓋出
內厯念陪遊府朝升進隨事多幸賜餘論於顏
色奉德音於宴和藉此增榮遂延繆價今便除

名復足在寬身非木石戀同犬馬雖朝夕曳
裾無違接待而職務一離有同賓客瞻堦下拜
屑涕無從永言僚故載懷罔已頡頏之禽慚悲
於出幕蒙茸之獸結志於首丘

何詩集

卷全

三

書

爲衡山侯與婦書

昔人邀遊洛汭，會遇陽臺，神仙髣髴，有如今別。
雖帳前微笑，涉想猶存。而幄裏餘香，從風且歇。
掩屏爲疾，引領成勞。鏡想分鸞，琴悲別鶴。心如
膏火，獨夜自煎。思等流波，終朝不息。始知萋萋
萱草，忘憂之言不實。團團輕扇，合歡之用爲虛。
路邇人遐，音塵寂絕。一日三秋，不足爲喻。聊陳
往翰，寔寫款懷。遲枉瓊瑤，慰其杼軸。

一節宜宜為對墨王初器器其什帥

一置入聖音無端端一日三姓不其森龍無難

一草該愛之口不實國制神獸合神之神義道

一火辨存自無思夢而對神神不以其神其意

一紙燕燕抱於風幾幾法今聲不悲何謂以理

一踏前踏笑也戲際存而神皇為奇鋒無且想

一入聖聖帝所會聖聖聖聖聖聖聖聖聖聖聖

一詩山詩與詩書

七

七召

假是先生、負茲勁挺、狀羣飛之喪侶、似獨行之
迷徑、神忽忽而若忘、意衝衝而不定、監丹綠其
無主、聞鐘鼓以失聽、至乃冬霰積庭、室靡人聲、
春花滿野、地無行者、園堵常閉、曲突無煙、同生
芻之有束、共死灰之暄然、篤論公子聞而崛起、
雖道術之可忘、亦切嗟之所耻、命徒御以駱驛、
將有事乎巖中、車煜爚而流水、馬泮渙以追風、

乃踰汗漫、入朦朧、至深潭之澳漠、有洞室之穹
崇、居隱磷而出沒、望嶽岑而下上、竹距石以表
通、水韻松而含響、地不寒而蕭瑟、月無雲而曛
朗、於是整容投刺、屣履排門、揚眉就席、舉袂而
言曰、若五秀稟其生靈、六情通其愛惡、憎共集
於鄙老、嗜同歸於美樂、今足下羣鳥獸以爲娛
處、貧賤而不忤、欲擯實於孤介、乃貽譏乎隕穫、
至乃喀喀死於道邊、貿貿填於溝壑、削松筆以
畫虎、鼓鉛刀而刻鵠、身旣勞而不倦、事何感而

其懲欲模名於帶索豈知命於泥繩何異走長
衢而避影、煎流水以求永、今欲導足下以衛生
之秘術、怡神之妙道、譬愈疫於沉痾、若起尸於
仙草、寧願聞乎、先生曰、有爲之生已逼、無益之
慮常勞、若見明於凝滯、幸求教於育膏、

公子曰、千門始構、百常洞啓、激渚開渠、疏山抗
址、延袤水陸、曠望東西、下臨江海、上屬雲霓、百
丈杳冥、以飛跨九層、鬱律以階、梯步三休、而未
半、塗中宿而方迷、雕墻曲屈、以交牙、網戶周流

以重積旣陰岑而影響亦叫嘯而迴易沙板金
鋪紫柱玉碣煒煌煥絕硃礪搏敵圖雲霧之蔽
虧壯神仙之來往壁璫自耀珠綴恆響蜉蝣動
而晝喧熠燿飛而夜朗旣臨下以溲泐亦憑高
而泱漭聞疾雷於階陛美奔星於帷幌亘以曲
堂周以洞房北負連闥南注長廊綺疏交映鏤
檻相望燕飛蓮井日照杏梁陽烏騫其將動雲
鳳矯而欲翔若乃凌沼開源延石崇壤擬崑閬
之鬱嶺侔滄溟之瀟灑其中則有桂宮栢寢吳

臺柘館、複道耿介而連雲、阿閣穹窿而仰漢望、
虬欄之映水、見丹鶴之出岫、豔草妖色、嘉樹珍
名、長生靈壽、男華女貞、河柳垂葉、山榴發英、翫
奇花之春滿、摘甘實於夏成、此實宮苑之壯麗、
豈能從我而爲榮、先生曰、多言反道、辨口傷實、
懼貽笑於鄙家、且自安乎容郝、

公子曰、銅餅玉井、金釜桂薪、六爨九鼎、百果千
珍、熊蹯虎掌、雞跖猩唇、鰭魚兩味、元犀五肉、拾
卵鳳巢、剖胎豹腹、三臠甘口、七菹愜目、蒸餅十

字湯官、五、蕤、海椒、魯豉、河鹽、蜀薑、劑水火而和
調、糝、蘇、菽、以芬芳、脯、追復而不盡、犢、稍割而無
傷、黿、羹、流、獸、蚘、醬、先嘗、鱠、溫湖之美、鮓、切丙穴
之嘉、魴、落俎、霞散、逐刃、雪揚、輕同曳、蠶、白似飛
霜、蔗有盈丈之名、桃表兼斤之實、杏積魏國之
貢、菱爲鉅野所出、衡曲黃梨、汶垂蒼栗、隴西白
柰、湘南朱橘、荔枝、沙棠、蒲萄、石蜜、瓜、稱素腕之
美、棗有細腰之質、並抗吻以除煩、永咀牙而消
疾、於是三雅陳席、百味開印、玉璣星稀、蘭英縹

潤旣夷志於坎壈亦忘懷於鄙吝此蓋滋旨之
極珍豈從余而並進先生曰不貴媮食豈甘醇
酒旣深悟於腐腸豈自迷於爽口

公子曰秦氏獨立燕姬絕世如短如長不穠不
細信耳目之珍冶乃古今之佳麗妍姿艷逸淑
性閒華效施朱於宋里結墮馬於梁家折纖腰
以微步呈皓腕於輕紗臨池正領拂鏡看花觀
堵牆以颯杳傾城國以喧譁墨欲歸而抽軫惠
將返而迴車至乃鄭衛繁聲抑揚絕調足使風

雲變動、性靈感召、擊哀響則春臺之人、愴焉而
雪泣、起懽情則崩城之婦、粲然而微笑、嶺谷調
鳳之管、龍門獨鵠之柯、綠珠絳樹、宋臈韓娥、青
春婉婉、上客經過、開洞房以命賞、召才人而合
宴、舉輕幔以徐來、隔珠簾而可見、牀披象簟、戶
垂羅薦、聽促柱之方遒、聞度聲之始囀、步想象
以頓足、腕蹁躑而拂面、託斜視於遺簪、寄含情
而舉扇、俄而夕鶯東返、落日西懸、綺霞映水、蛾
月生天、解鴛鴦之繡被、拂蛩蛭之長氊、燭中帷

而動爛、香出帳而微煙、願橫衾以自昵、脫斜領
於君前、此乃聲色之妖蕩、將不從我而流連、先
生曰、滛聲非篤論之旨、麗色乃余情所棄、伐國
不問仁人、此言何從而至、

公子曰、歲晚農休、時閒務隙、山火已燎、野霜初
白、聊效殺於秋冬、將從禽於草澤、蜀地五丁、齊
都二子、氣動山漂、汗揮雨起、渥洼流頽、護蘭泄
血、躡飛影於未形、奔流星於欲滅、革車隱隱、轂
騎闐闐、鼓噪喧而振地、烝徒駭而聒天、割玉之

刀、飲石之箭、置羅布其一、目、罟網周其三面、犬
號、驤螭、鷹名奔電、暫離已合、忽隱仍見、赴迫趨
危、衝林跋援、草隨足起、山從眼轉、跨躡谿澗、電
舉陵阪、鳥不及飛、獸不遑伏、旣前躡而後倚、亦
左排而右蹴、蹠實駭而自救、騰靈亂而相撲、視
灑血之丹地、見飛毛之暗目、傍窮劫歆、勢極搜
求、文皮坐裂、臙尾生抽、手羈鐵頂、足批銅頭、象
折齒而陵遽、豹拉幽而夷猶、擒高樓之度索、走
大樹之神牛、鴈聞弦而站墮、猿抱木而啾啁、咲

楚王之雲夢耻漢帝之中流此武材之矯猛豈
能從我而畋遊先生曰馳騁傷仁好殺非勇幸
廣內之豐樂何禽荒之足重

公子曰跋烏始照宮槐遽而欲歸顧兔纔滿庭
英紛而就落譬光影於飛浮比生靈於栖託擾
擾摩肩鱗鱗方駕空林迫於毀譽獨慙勤於用
舍嗟向有而今無歎後榮而前謝清歌雅舞暫
同於夢寐廣厦高堂俄成於幻化若夫洗精服
食慕道仙遊尋玉塵於萬里守金竈於千年三

尸可度、九轉難傳、飛騰水陸、咀嚼靈玄、若乃壁
上真辭、枕中秘要、彈壓神鬼、吐納靈妙、旣變醜
以成妍、亦反老而爲少、虬駕天矯、而出沒霓裳
颯沓、而容與接鵠馭於後乘、追鳳簫於前侶、雨
散漫以霑服、雲霏微而襲宇、瞰芝闕以窈窕、見
玉臺之相拒、蓋排煙而漸滅、旌拖風而未舉、值
解佩於江濱、逢弄珠於漢渚、薄遊玄圃、弭節太
華、列神童於羽帳、侍玉女於仙車、澗採兮危實、
苑拔兮迴花、聽弱水之晨浪、望崑山之夕霞、窮

北辰而比壽。指中岳以爲家。此神仙之恍惚。豈
從我而蠲邪。先生曰。捕影之言莫測。繫風之論
難盡。未嘗留意於死生。豈稍論於椿菌。

公子曰。洙泗遺文。鄒魯餘烈。其道未迷。其風不
絕。方領圓冠。金口木舌。談章句之遠。占構紛綸
之雅。說陳五禮。明六詩。貫穿微妙。辯析毫釐。旣
待問於重席。亦覃思而下幃。醞籍愷悌。和樂緝
熙。生徒肅肅。賓友師師。並接袵以聞道。俱援手
而受辭。心絕內戰。事無外慾。橫經者比肩。擁篲

者繼足醜申韓之法令陋桓文之風俗六郡湊
其衣冠五陵窮其軌躅信斯文其若水實斯人
之如玉若夫珠璣產於蚌蛤珪璧出於山淵未
有玉不瑩而爲寶人無學而稱賢蓋持身之管
籥進德之舟船響如鐘而待叩明似鏡以長懸
此其重於經術宜降志於吾賢先生曰誠此言
之甚美比斯道之爲曠耻見嘲於腐儒豈求珍
於席上
公子曰我大梁之啓基方邃古而無匹先天定

始比殷周而餘裕揖讓受終考唐虞而不失道
德有序憲章咸秩六府孔修百司盡畢搜求儒
雅掇拾遺逸旰食思治雖聞之於昔談昧旦臨
朝乃見之乎茲日蕩蕩薰風泱泱大典道含弘
而廣被澤汪濊而傍聞採輿人之片言納匹夫
之小善事在微而畢照物無幽而不顯若夫下
車布德伐罪弔民風無偃稼雨不破塵覩勝殘
於朞月見成俗於浹辰含群生兮如海養萬類
其猶春鄉無不食之隸野靡狼顧之民樵者目

金而知耻、耕夫讓畔以成仁、何大庭之足競、豈
栗陸之能隣、璧水道庠序之風、石渠啓珪璋之
盛、奇士輻湊而騁足、異人間出而効命、小大之
獄無冤民、翺飛之物無天性、故能睦之以九世、
齊之以七政、坦坦恢恢、巍巍赫赫、政德洽於霜
風、教義窮於足迹、望雲氣而款關、候海水而重
譯、所謂府不輟貢、史無虛帛、天端磊砢而相尋、
地符氛氲而不少、收六穗於征賦、翫九莖於池、
沼、三足應感而來儀、一角知時而自擾、映景星

於初月聆鳳音於將曉若乃亭毒不疵合天地
而並施陶鈞日月與造化而齊功故非言辭之
可具盡筆札之所能窮懷真獨徃之夫犇走而
從事滅迹藏名之士顛倒而向風二漢有同於
見戲魏晉無礙於胸中言未畢先生攝衣而起
曰子前所說似玉卮之無當徒費辭而難領譬
由背日而視秋毫却行而求鄢郢一聞皇王之
盛則豁然神悟而理攄志無時而可卷邦有道
而宜舒敢以殘智請從後車

而官於道以爲民而爲事

以國爲志而志於民而民爲事

而民爲事而民爲事而民爲事

而民爲事而民爲事而民爲事

而民爲事而民爲事而民爲事

而民爲事而民爲事而民爲事

而民爲事而民爲事而民爲事

而民爲事而民爲事而民爲事

而民爲事而民爲事而民爲事

樂府

銅雀妓

秋風木葉落、蕭瑟管絃清、望陵歌對酒、向帳舞、
空城寂寂簷簾、一作宇曠飄飄帷幔輕、曲終相顧、
起日暮松柏聲。

擬輕薄篇

城東美少年、重身輕萬億、柘彈隨珠丸、白馬黃

金飾、

一作勒

長安九逵上、青槐蔭道植、轂擊晨已

喧、肩排暝不息、走狗通西望、牽牛亘南直、相期

百戲傷去來。三市側象牀。沓繡被。玉盤傳綺食。
倡女掩歌扇。小婦開簾織。相看獨隱笑。見人還
歛色。黃鵠悲故羣。山枝詠新識。烏飛過客盡。雀
聚行龍匿。酌羽方厭厭。此時懽未極。

門有車馬客

樂府作
何妥非

門有車馬客。言是故鄉來。故鄉有書信。縱橫印
檢開。開書看未極。行客屢相識。借問故鄉來。潺
湲淚不息。上言離別久。下言望應歸。寸心將夜

鶴。相逐向南飛。

昭君怨

樂府作何安非

昔聞白鶴弄，已自軫離情。今來昭君曲，還悲秋

草生

何訓室集

卷全

三

詩

九日侍宴樂游苑

爲西封侯作

皇德無餘讓，重規襲帝勛。垂衣化比屋，睠顧愼
爲君。翺飛悅有道，卉木荷平分。宸襟動時豫，歲
序屬涼氛。城霞旦晃朗，槐霧曉氤氲。鸞輿和八
襲，鳳駕啓千羣。羽觴懽湛露，佾舞奏承雲。禁林
終宴晚，華池物色曛。疏樹翻高葉，寒流聚細紋。
晴軒連瑞氣，同一作飛惹御香芬。日斜迢遞宇，風
起嵯峨雲。運偶參侯服，恩洽廁朝聞。於焉藉多

幸歲暮仰遊汾

登石頭城

關城乃形勢、城險差非一、馬嶺逐紆回、大牙傍
隆、宰、百、雉、極、襟、帶、億、庾、兼、量、出、至、理、歸、無、爲、善
守、竟、何、恤、眺、聽、窮、耳、目、遠、近、備、幽、悉、擾、擾、見、行、
人、暉、暉、視、落、日、連、檣、入、迴、浦、飛、蓋、交、長、術、天、暮、
遠、山、青、潮、去、遙、沙、出、薄、宦、恧、師、表、屬、辭、慙、愈、疾、
願、乘、鰲、鼉、牛、還、隱、蒙、籠、室、

望解前水竹答崔錄事

拾遺作顧則心詩非

蕭蕭蓼竹映澹澹，平湖淨葉倒。漣漪文水漾，檀
欒影相思。不會面，相望空延頸。遠天去浮雲，長
墟斜落景。幽疴與歲積，賞心隨事屏。鄉念一遄
迴，白髮生俄頃。

暮秋答朱記室

游揚日色淺，騷屑風音勁。寒潭見底清，風色極
天淨。寸陰坐銷鑠，千里長遼迴。桃李爾繁華，松
柏余本性。故心不存此，高文徒可詠。

酬范記室雲

林密戶稍陰，草滋堦欲暗。風光盡上輕，日色花
中亂。相思不獨懽，伫立空爲歎。清談莫莫理，繁
文徒可玩。高唱子自輕，繼音予可憚。

落日前墟望贈范廣州雲

緣溝綠草蔓，扶援雜華舒。輕烟澹柳色，重霞映

日餘。遙遙長路遠，

一作晚

寂寂行人疎。我心懷碩

德，思欲命輕車。高門盛遊徂，誰肯進畋漁。

日夕望江山贈魚司馬

湓城帶湓水，湓水縈如帶。日夕望高城，耿耿青

雲外城中多宴賞，絲竹常繁會管聲。已流悅，
聲復淒切，歌黛慘如愁。舞腰凝欲絕，仲秋黃葉
下，長風正騷屑。早鴈出雲歸，故燕辭檐別。晝悲
在異縣，夜夢還洛汭。洛汭何悠悠，起望西南樓。
一作登西樓的的帆向浦，團團月映隱。一作洲誰能一
羽化輕舉，逐飛浮。

答邱長史

宿昔敦敦遠遊名，分乃異路千里泝。波潮一朝披
雲霧，從容捨密勿。繾綣論襟趣，披文極詆訶。析

理窮章句、明鐘信有待、巨海誰能喻、奔景驟西
傾、遠途忽東驚、黃花發岸、草赤葉翻、高樹漁舟
乍回歸、沙禽時獨赴、宴年時未幾、離歌倏成賦
伊我念幽關、夫君思贊務、短翮方息飛、長轡日
先驅、曝鰓走逸翮、康時務、握手異沈浮、佳
期安可屢、

道中贈桓司馬季珪

晨纜雖同解、晚洲阻其入、猶如征鳥飛、差池不
可及、本願申羈旅、何言異翔集、君渡北江時、詎

今南浦泣

夕望江橋示蕭諮議楊建康江主簿

夕鳥已西度，殘霞亦半消。
風聲動密竹，水影漾長橋。
旅人多憂思，寒江復寂寥。
爾情深鞶洛，予念返漁樵。
何因適歸願，分路一揚鑣。

寄江州褚諮議

自與君別離，四序紛迴薄。
分手清江上，念別猶如昨。
追憶邊城遊，奚尋平生樂。
俱登龍從嶺，其坐逶迤閣。
清吹或忘歸，繁文時間作。
連鑣戲淺

草遊憶遵長薄五載同衣裘。一朝異睽索。夫君
頗留滯。驂駢未沃若。伊家從入關。終是填溝壑。
早秋正悽愴。餘暉晚銷鑠。林葉下。仍飛水花披。
未落如何隔千里。無由舉三爵。因君奏采蓮。爲
余吟別鶴。

入西塞示南府同僚

露清曉風冷。天曙江晃。一作爽薄雲巖際出。初

月波中。上黯黯。連嶂陰。騷騷急沫響。迴楂急礙
浪。羣飛爭戲廣。伊余本羈客。重睽復心賞。望鄉

雖一路懷歸成二想，在昔愛名山自知懽獨往。
情游乃落魄得性隨怡養，年事以蹉跎生平任
浩蕩方還讓夷路，誰知羨魚網。

下直出谿邊望答虞丹徒教

夫君美章句，席丈珍梁楚。伊余忝攝官，含毫亦
禁阻。直廬去咫尺，心期得宴語。休沐乃幽棲，別
離未幾許。伫立日將暮，相思忽無緒。谿北映初
星，橋南望行炬。九重不可越，三爵何由舉。

贈諸遊舊

弱操不能植，薄伎竟無依。淺智終已矣，令名安可希。擾擾從役倦，屑屑身事微。少壯輕年月，遲暮惜光輝。一塗今未是，萬緒昨如非。新知雖已樂，舊愛盡睽違。望鄉空引領，極目淚沾衣。旅客長憔悴，春物自芳菲。岸花臨水發，江燕遶檣飛。無由下征帆，獨與暮潮歸。

贈族人秣陵兄弟

何思澄爲秣陵令

吾宗昔多士，文雅高縉紳。小子無學術，丁寧因負薪。傍枝實紛亂，領袖寄親姻。名價齊兩許，閨

門比三陳風力咸通邁藝業並紛綸元方振高
羽洛令初解巾自爾典名郡所在號清淳齊兒
敢爲俗蜀物豈隨身祿俸不妻子詎吟乃吏民
孰云穢明德惟在中聖人若能遺酌我稱首當
屬仁伸將本特達坎壈猶賤貧方成天下士豈
伊席上珍外情或簡易內鑒甚人倫時然臨下
邑摘伏信如神顧余晚脫畧懷抱日湮淪游宦
疲年事來徃厭江濱十載猶先職一官乃任真
土牛竟不進芻狗空重陳羈旅無儔匹形影自

相親蕭索高秋暮，砧杵鳴四隣。
霏霏入窗雨，漠漠暗牀塵。
所思不可見，邈若胡與秦。
願子加餐飯，良會在何辰。

秋夕仰贈從兄寘南

堦蕙漸翻葉，池蓮稍罷花。
高樹壯風響，空庭秋月華。
寸心懷是夜，寂寂漏方賒。
撫弦乏歡娛，臨觴獨歎嗟。
悽愴戶涼入，徘徊櫺影斜。
無爲掩戚里，見就還田家。

仰贈從兄興甯寘南

家世傳儒雅、貞白仰餘徽、宗派已孤狹、財產又
貧微、棲息同蝸舍、出入共荆扉、松筆昭臨沼、蒲
筥得垂帷、幸逢四海泰、日月耀增輝、相顧無羽
翮、何由總奮飛、一朝異言宴、萬里就睽違、遠江
飄素沫、高山鬱翠微、相思對蓀蓀、相望隔巍巍、
死灰終不然、長岑且未歸、當憐此分袂、呱呱淚
沾衣、

贈江長史別

二紀厯茲辰、投分敦遊處、況事兼年德、宴交無

爾汝中歲多乖違，由來難具叙。及君相藩牧，伊
予客梁楚。出國乃參差，會歸同處所。以茲篤惠
好，何用忘羈旅。重得申平生，何年更睽阻。籠禽
恨跼促，逸翮超容與。餞道出郊坰，把袂臨洲渚。
長飈落江樹，秋月照沙渚。遠送子應歸，棹開帆
欲舉。離舟懼未極，別至悲無語。安得生羽毛，從
君入宛許。

送韋司馬別

送別臨曲渚，征人慕前侶。離言雖欲繁，離思終

無緒、惓惓分手畢、蕭蕭行帆舉、舉帆越中流、望
別上高樓、予起南枝怨、子結北風愁、邐邐山蔽
日、洶洶浪隱舟、隱舟邈已遠、徘徊落日晚、歸衢
並駕奔別館、空筵卷想子、歛睂去、知子銜淚返、
銜淚心依依、薄暮行人稀、曖曖入塘港、蓬門已
掩扉、簾中看月影、竹裏見螢飛、螢飛飛不息、獨
愁空轉側、杜窻倒長簾、南鄰夜聞織、棄置勿復
陳、重陳長歎息、

南還道中送贈劉諮議別

一官從府役五稔去京華。遽逐春流返。歸帆得
望家。天末靜波浪。日際歛烟霞。岸薺生寒葉。村
梅落早花。遊魚上急水。獨鳥赴行楂。目想平陵
柏。心憶青門瓜。曲陌背通垣。長墟抵狹斜。善鄰
談穀稼。故老述桑麻。寢興從閒逸。視聽絕諠譁。
夫君日高興。爲樂坐驕奢。室墮傾城佩。門交接
憶車。入塞長雲雨。出國暫泥沙。握手分岐路。臨
川何怨嗟。

與崔錄事別兼叙携手

去夏予回首言乃重行行今春遊汎溼訪子猶
武城暫別年逾半同歸月未盈復道中寒食彌
留曠不平道術旣爲務懽悰苦未并及爾沈疴
愈值茲秋序明石磧汾江靜沙流繞岸清川平
看鳥遠水淺見魚驚逝將窮履歷方欲恣逢迎
何言聚易散鄉棹爾孤征我本倦遊客心念似
懸旌聞離常屑涕是別盡淒清一作情况此忘懷
地相愛猶弟兄呱呱畱南浦悠悠返上京欲鐫
星星鬢因君示友生

別沈助教

可憐玉匣劍、復此飛鳬舄、未覺愛生憎、忽見雙
成隻、一朝別笑語、萬事成疇昔、道適若波瀾、人
生異金石、願君深自愛、其念悲無益、

與沈助教同宿湓口夜別

我爲潯陽客、戒旦乃西游、君隨春水駛、雞鳴亦
動舟、其泛湓之浦、旅泊次城樓、華燭已消半、更
人數唱籌、行人從此別、去去不淹留、

與蘇九德別

宿昔夢顏色，咫尺思言偃。疑作何況杳來期，各在天一面。踟躕暫舉酒，倏忽不相見。春草似青袍，秋月如團扇。三五出重雲，當知我憶君。萋萋若被逕，懷抱不相聞。

贈韋記室黯別

故人儻送別，停車一水東。去帆若不見，試望白雲中。促膝今何在，銜杯誰復同。水夜看初月，江晚泝歸風。無因生羽翰，千里暫排空。

初發新林

伊昔負薪暇，慕義遊梁楚。短翮忘連翮，追飛散容與。優游沐道教，漸漬淹寒暑。大德本無酬，輕生竊自許。舟歸屬海運，風積如鵬舉。浮水暗舟艫，合岸喧徒侶。凜凜窮秋暮，初寒入洲渚。鐃吹響清江，懸旗出長嶼。危檣迥不進，杳良高難拒。回首泣親賓，中天望宛許。帝城猶隱約，家園無處所。去矣方悠悠，含意將誰語。

渡連圻二首

此山多靈異，峻岵實非恒。汎流自洄糾，激瀨視

奔騰懸崖抱奇崛、絕壁駕峻嶒、磳礧上爭險、岵
嶇下相崩、百年積死樹、千尺掛寒藤、詭怪終不
測、迴沈意難登、願欲書聞見、聊以寄親朋、

連圻連不極、極望在雲霞、絕壁無走獸、窮岸有
盤楂、糾紛上龍從、穿豁下巖芽、魚遊若擁劍、猿
掛似懸瓜、陰岸生駸蘚、伏水拂澄沙、客子行行
倦、年光處處華、石蒲生促節、巖樹落高花、暮潮
還入浦、夕鳥飛向家、寓目皆鄉思、何時見狹斜、

下方山

寒鳥樹間響，落星川際浮。繁霜白曉岸，苦霧黑
晨流。鱗鱗逆去水，瀾瀾急還舟。望鄉行復立，瞻
途近更修。誰能百里地，縈繞千端愁。

入東經諸暨縣下浙江作

疲身不自量，溫腹無恒擬。未能守封植，何能固
廉耻。一經可人言，三冬徒戲爾。虛信蒼蒼色，未
究冥冥理。得彼旣宜然，失之良有以。常言厭四
壁，自覺輕千里。日夕聊望遠，山川空信美。歸飛
天際沒，雲霧江邊傍。一作起安邑乏主人臨邛多

客子鄉鄉自風俗，處處皆城市。所見無故人，合意終何已。

還渡五洲

我行朔已晦，泝水復沿流。戎傷初不辨，動默自相求。睠言還九派，迴艫出五洲。蕭散烟霧晚，淒清江漢秋。沙汀暮寂寂，蘆岸晚脩脩。以此南浦夜，重此壯門愁。方圓旣齟齬，貧賤豈怨尤。

春夕早泊和劉諮議落日望水

旅人嗟倦遊，結纜坐春洲。日暮江風靜，中川聞

竹言三集 二 卷三
棹謳草、光、天際、合霞影、水中浮、單艫時向浦、獨
檝乍乘流、變童泣垂釣、妖姬哭盪舟、客心自有
緒、對此空復愁

和劉諮議守風

彌旬苦凌亂、揆景候阡陌、晝想汝陽津、夜夢邯鄲驛、憤風急驚岸、屯雲仍觸石、蕭條疾帆流、魂
礪衝波白、息榜已云久、維梢晨已積、蒼蒼極浦
潮、杳杳長洲久、本慙、飮飛劍、寔慕澹臺壁、織羅
若不、跂予中上澤

宿南洲浦

幽。棲。多。暇。豫。從。役。知。辛。苦。解。纜。及。朝。風。落。帆。依。
暝。浦。違。鄉。已。信。次。江。月。初。三。五。沈。沈。夜。看。流。淵。
淵。朝。聽。鼓。霜。洲。渡。旅。鴈。朔。颼。吹。宿。莽。夜。淚。坐。淫。
淫。是。夕。偏。懷。土。

學古贈王永嘉征還

龍。馬。魚。腸。劍。躡。蹠。起。風。塵。結。客。蔥。河。返。喧。喧。動。
四。鄰。入。墟。猶。憶。舊。覓。巷。復。疑。新。窺。見。應。門。出。遙。
識。下。機。人。相。悲。淚。欲。下。離。別。方。自。陳。

和蕭諮議岑離閨怨

曉河沒高棟、斜月半空庭、窗中度落葉、簾外隔

飛螢含悲

玉臺作情

下翠帳、掩泣

玉臺作涕

閉金屏、昔期

今未返、春草寒復青、思君無轉易、何異北辰星

嘲劉諮議

房櫳滅夜火、窗戶映朝光、妖女褰帷去、蹊蹠初
下牀、雀釵橫曉鬢、蛾眉艷宿粧、稍聞玉釧遠、猶
憐翠被香、宜知早朝客、差池已鴈行

詠照鏡

朱簾旦初捲，綺機晨未織。玉匣開鑑影，寶臺靜
臨飾。對影獨含笑，看花時轉側。聊爲出顰眉，試
染天桃色。寶釵若可閒，金鈿畏相逼。蕩子行未
歸，啼粧坐沾臆。

擬青青河畔草轉韻體爲人作其人識節

工歌

春蘭

一作園

日應好，折花望遠道。秋夜苦復長，抱

枕向空牀。吹臺

一作樓

下促節，不言於此別。歌筵

掩團扇，何時一相見。絃絕猶依軫，葉落纔下枝。

卽此雖云別，方我未成離。

學古三首

長安美少年，羽騎暮連翩。玉羈瑪瑙勒，金絡珊瑚鞭。陣雲橫塞起，赤日下城圓。追兵待都護，烽火望祁連。虎落夜方寢，魚麗曉復前。平生不可定，空信蒼浪天。

輦洛上東門，薄暮川流側。渾渾車馬道，行人不相識。日夕棲鳥遠，浮雲起新色。寸心空延伫，對面何由卽。飛輪倘易去，易去因風力。

昔隨張博望。辭帝長楊宮。獨好西山勇。思爲壯
地雄。十年事河外。雪一作雲鬢別關中。季月邊秋

重。巖野散寒蓬。日隱龍城霧。塵起玉關風。全狐
君已復。半菽我猶空。欲因上林鴈。一見平陵桐。

聊作百一體

靈輒困桑下。於陵拾李蟠。厯齒方嗟賤。炙背豈
知豪。傭畊乏旅力。倚市憚劬勞。曠日無豆飫。方
冬缺緼袍。清旦開蓬蓽。舉目想煎熬。樞機慎僕
隸。媒藥畏朋曹。萬途皆自僻。一事豈他褒。匆匆

昨不定、負杖出蓬蒿、逢施同溝壑、值設乃糠糟、
生途稍冉冉、逝水日滔滔、咸言等木石、誰當出
羽毛

早朝車中聽望

詰旦鐘聲罷、隱隱禁門通、遽車響北闕、鄭履入
南宮、宿霧開馳道、初日照相風、胥徒紛絡驛、騶
御或西東、暫喧耳目外、還保性靈中、方驗遊朝
市、此說不爲空、

臨行公車

擾擾排曙扉、鱗鱗驅早駕、禁門儼猶閉、嚴城方
警夜、道勝多增榮、拙薄終難化、以茲畎澮質、重
與滄溟舍、纚舟去濁河、揆景辭清灞、平生多意
緒、懷抱皆徂謝、念此將如何、撫心獨悲咤、

秋夕歎白髮

絲白不難染、蓬生直易扶、惟見

一作此

星星鬢、獨

與衆中殊、昔年十四五、率性頗廉隅、直是安被
褐、非敢慕懷珠、何言志事晚、疲拙嬰殊軀、逢時
乃倏忽、失路亦斯須、郊郭勤二頃、形體憇一廡、

涸蚌困魚目、籠禽觸四隅、宵長壁立靜、廓處謝
懽愉、月色臨窗樹、蟲聲當戶樞、飛蛾拂夜火、墜
葉舞秋株、逐物均乘鶴、違俗等雙鳬、故人倘未
棄、求我谷之隅、

夜夢故人

客心驚夜魂、言與故人同、開簾覺水動、映竹見
牀空、浦口望斜月、洲外聞長風、九秋時未晚、千
里路難窮、已如臃腫木、復似飄飄蓬、相思不可
司、直在寸心中、

從主移西州寓直齋內霖雨不晴懷邵中

遊聚

寓直慚虎賁、沈迷豈職事、祈祈寒枝動、濛濛秋
雨駛、不見眼中人、空想山南寺、雙桐傍欄上、長
楊夾門植、夙昔構良遊、接膝同懽志、東西忽爲
阻、向隅懷獨思、颯颯履聲喧、擾擾羣分異、卧聞
復雷響、坐視重扃秘、欲寄一行書、何解三秋意、
劉博士江丞朱從事同顧不值作詩云爾
故人篤久要、新知從暮室、崎嶇枉道過、邂逅幽

人出、心期不會面、懷之成首疾、向夕敞山扉、臨
窻玩餘帙、蜘蛛正網戶、落花紛入膝、浸淫水土
風、蔽虧霞中日、良辰一攜手、住坐無儔匹、劉侯
務屬書、江生勤下筆、朱君博辭理、去去追名實、
是顧一參差、何能更蓬華、吾人少拘礙、得性便
遊逸、方欲俟寒裳、相從懽道術、

春暮喜晴酬袁戶曹苦雨

振衣喜初霽、褰裳對晚晴、落、花、猶、未、捲、時、鳥、故、
餘、聲、春芳空悅目、游客反傷情、鄉園不可見、江

水獨自清，願得同攜手，歸望對都城。

苦熱

昔聞草木焦，今窺

一作觀

沙石爛，瞋瞋風逾靜，

瞳日漸暍，習靜悶

一作悶

衣巾，讀書煩几案，卧思

清露浥，坐待高星燦，蝙蝠戶中飛，蟻蠓窗間亂，
實、無、河、朔、飲、空、有、臨、淄、汗、遺、金、不、自、拾、惡、木、宜、
無、幹、願、以、三、伏、晨、催、促、九、秋、換、

七夕

仙車駐七襄，鳳駕出天潢，月映九微火，風吹百

和香來、懽暫巧笑、還淚已沾裳、一作啼粧依稀如洛

汭、倏忽似高唐、別離未得語、河漢漸湯湯、

揚州法曹梅花盛開

兔園標物序、驚時最是梅、銜霜當路發、映雪擬
寒開、枝橫卻月觀、花繞凌風臺、朝灑長門泣、夕
駐臨邛杯、應知早飄落、故逐上春來、

行經孫氏陵

昔在零陵厭、神器若無依、逐兔爭先捷、摘鹿競
因機、呼噏開伯道、叱咤掩江畿、豹變分奇略、虎

視蕭戎威、長蛇、蚬巴、漢、驥、馬、絕、淮、淝、交、戰、無、內、
禦、重、門、豈、外、扉、成、功、舉、已、棄、凶、德、愎、而、違、水、龍、
忽、東、驚、青、蓋、乃、西、歸、竭、來、已、
一作易永久年代暖
微微、苔、石、疑、文、字、荆、墳、失、是、非、山、鶯、空、曙、響、隴、
月、自、秋、暉、銀、海、終、無、浪、金、鳧、會、不、飛、聞、寂、今、如、
此、望、望、沾、人、衣、

塘邊見古塚

行路一孤墳、路成墳欲毀、空疑年代積、不知陵
谷徙幾逢、
一作經秋葉黃、驟見春流瀾、金蠶不可

織玉樹何時盡，陌上驅馳人笑歌。自侈靡，今日非明日，所念誰憐此。

哭吳興柳惲

南州擅荆梓，上國稱羽儀。伊人以戴德，李公傷在期。遠識內無愠，深衷外有規。

一作窺

清文窮麗

則，弘論盡高奇，多能誠所貴。小善聊復爲，百步均射葉。八體妙臨池，曲悟同神解。龜謀信有知，入朝耿長劍。出牧盛層麾，納言信加首。豐貂亦在移，霞區兩借寇。貪泉一舉卮，翰飛矯未極。朝

先危以茲舊館想况乃西日垂蔓草生車
轍枯木卧崩砥樽酒誰爲滿靈衣空自披眷言
尋惠好慟哭悲路岐含毫徒有屬搦管竟無摛
登禪岡寺望和虞記室
南望南郭門拱樹梢雲密北窗北溱一作湫道重
樓霧中出接樹隱高蟬交枝承落日光陰不可
捨懷抱何由悉

答高博士

北窗涼夏首幽居多卉木飛蜨一作蝶弄晚花清

池映疎竹，爲宴得快性，安閑聊鼓腹，將子厭囂
塵，就予開耳目。

贈王左丞

欄外鶯啼罷，園裏日光斜。游魚亂水葉，輕燕逐
風花。長墟上寒靄，曉樹沒歸霞。九華暮已隱，抱
鬱徒交加。

敬酬王明府

星稀初可見，月出未成光。澄江照遠火，夕霞隱
連檣。賤軀臨不測，玉體畏垂堂。念別已零淚，况

乃思故鄉

西州直示同員

日長禁戶倦、卽事思短晨、漏盡唱聲急、此理復、
傷人矛盾交、爲論光壁帶、成珍誓將收、飲啄得、
得任心神、

野夕答孫郎擢

山中氣色滿、墟上生烟露、杳杳星出雲、啾啾雀、
隱樹、虛館無賓客、幽居乏懽趣、思君意不窮、長、
如流水注、

石頭答庾郎丹

高樹蔭樓密，細草綠成被。
黃鸝隱葉飛，蛺蝶縈空戲。
陰岑自爾悅，寂寥予罕寄。
相如阻禁闈，何由從簡易。

日夕出富陽浦口和朗公

客心愁日暮，徙倚空望歸。
山烟涵樹色，江水映霞暉。
獨鶴凌空一作風逝，雙鳬出浪飛。
故鄉千餘里，茲夕寒無衣。

臨行與故遊夜別

歷稔其追隨，一旦辭羣匹。復如東注水，未有西
歸日。夜雨滴空堦，曉燈暗離室。相悲各罷酒，何
時同一作更促膝。

與胡興安夜別

居人行轉軼，客子暫維舟。念此一筵笑，分爲兩
地愁。露濕寒塘草，月映清淮流。方抱新離恨，獨
守故園秋。

車中見新林分別甚盛

金谷賓遊盛，青門冠蓋多。隔林望行幘，下阪聽

何詩三集 卷八
鳴珂於時春未歇，麥氣始清和。還入平原逕，窮巷可張羅。

曉發

早霞麗初日，清風消薄霧。水底見行雲，天邊看遠樹。且望沿沂劇，暫有江山趣。疾兔聊復起，爽地豈能賦。

慈姥磯

暮烟起遙岼，斜日照安流。一同心賞夕，暫解去鄉憂。野岼平沙合，連山遠霧浮。客悲不自已，江

上望歸舟

見征人分別

淒淒日暮時，親賓俱竚立。征人拔劍起，兒女牽衣泣。候騎出蕭關，追兵赴馬邑。且當橫行去，誰論暴屍入。

同虞記室登樓望遠歸

登樓欲望遠，遙遙見白衣。白衣猶遠遠，言是稍知非。對窗看寶瑟，入戶弄鳴機。無令日光晚，門閣掩重扉。

與虞記室諸人詠扇

如珪信非玷，學月但爲輪。
機杼靡蕪妄，裁縫篋笥人。
搖風入素手，占曲掩朱唇。
羅袖幸拂拭，微芳聊可因。

看伏郎新婚

霧夕蓮出水，霞朝日照梁。
何如花燭夜，輕扇掩紅粧。
良人復灼灼，席上日生光。
所悲高駕動，環珮出長廊。

詠娼婦

曖曖高樓暮。華燭帳前明。羅帷雀釵影。寶瑟鳳
雛聲。庭花枝上發。新月霧中生。誰念當窗牖。相
望獨盈盈。

詠舞

管清羅薦合。絃驚雪袖遲。逐唱迴纖手。聽曲轉
蛾眉。凝情眄墮珥。微睇託含辭。日暮留嘉客。相
看愛此時。

望新月示同羈

初宿長淮上。破鏡出雲明。今夕千餘里。雙蛾映

水生的的與沙靜灩灩逐波輕望鄉皆下淚非
我獨傷情

詠春雪寄族人治書思澄

可憐江上雪迴風起復滅本欲映梅花翻悲似
玉屑朝鶯日弄響暮條行可結咸言不適時安
知非矯節

和司馬博士詠雪

凝堦夜似月拂樹曉疑春蕭散忽如盡徘徊已
復新暫蔽卷紈質復慙施粉人若逐微風起誰

言非玉塵

詠白鷗兼嘲別者

可憐雙白鷗朝夕水上遊

玉臺作浮

何言異棲息雌

住雄不留孤飛出溆浦獨宿下滄洲東西從此

別影響絕無由

行經范僕射故宅

旅葵應蔓井荒藤已上扉寂寂空郊暮無復車

馬歸歛灩故池水蒼茫落日暉遺愛終何極

一作

聞寂今

行路獨沾衣

如此

王尚書瞻祖日

昱昱丹旄振、亭亭素蓋立、金鐸謹已鳴、龍輜將
復入、華臺日未徙、荒墳路行濕、已矣將何如、賓
馭皆灑泣、

送褚都曹

君隨結客去、我乃倦遊歸、本願同棲息、今成相
背飛、

送司馬入五城

隨風飄岸葉、行雨暗江流、居人會應返、空欲送

行舟。

邊城思

柳黃未吐葉，水綠半含苔。
春色邊城動，客思故鄉來。

爲人妾思二首

魂銷形已去，釵落猶依枕。
欲去淚無背，不看悲復甚。

機中刺繡所，窗下朝粧處。
未憶神已傷，欲忘悲不去。

爲人妾怨

燕戲還簷際。花飛落枕前。寸心君不見。拭淚坐調絃。

閨怨二首

竹葉響南窗。月光照東壁。誰知夜獨覺。枕前雙淚滴。

閨閣行人斷。房櫳月影斜。誰能北窗下。獨對後園花。

南苑

花門闌千扇，苑戶開萬扉。樓殿聞珠履，竹樹隔羅衣。

苑中見美人

羅袖風中捲，玉釵林下耀。團扇承落花，復持掩餘笑。

詠春風

可聞不可見，能重復能輕。鏡前飄落粉，琴上響餘聲。

離夜聽琴

別離既有緒，琴瑟反成悲。美人多怨態，亦復慘
長眉。

相送

客心已百念，孤遊重千里。江暗雨欲來，浪白風
初起。

答江革聯句不成

日余乏文幹，逢君善草札。工拙既不同，神氣何
由拔。

又答江革

棘端雖非譬。至妙安可量。要知同罔象。然始見
毫芒。

詠雜花

井上發新花。誰言不經染。已如薄紫拂。復似濃
紅點。狀錦無裁縫。依霞有舒歛。

卷之五

上卷

聯句

擬古三首聯句

家本青山下，好上青山上。青山不可上，一上一

惆悵。

遜

匣中一明鏡，好鑑明鏡光。明鏡不可鑑，

一鑑一情傷。

范雲

少知雅琴曲，好聽雅瑟聲。雅琴

不可聽，一聽一沾纓。

劉孝綽

往晉陵聯句

臨別我傷悲，送歸子自適。劉金不可散，卜蓋何

由惜。

遜

從來重分陰，未曾輕尺璧。故任情一異，

於是望三益

高爽

爾自高樓寢予返東臯陌寄語

落毛人非復平原客

遜

問舍且求田音亂無可

擇勝門成好事盤紆欲何索

范廣州宅聯句

洛陽城東西却作經年別昔去雪如花今來花

似雪

雲

濛濛夕烟起奄奄殘暉滅非君愛蒲堂

宜我安車轍

遜

相送聯句

寸陰常可惜別至倍傷神子瞻天際水予望路

中塵韋憫憫岐路側去去平生親一朝事千里

流涕向三春遜

二

昔其人門笑今成送別悲君還舊聚處爲我一

嘖眉王江乘於今還促膝自此客江湄願子俱停

駕看我獨解維遜

三

高軒雖駐軫餘日久無輝以我辭鄉淚沾君送

別衣遜

至大雷聯句

高談會良久，滿酒對羈情。閃閃風烟動，蕭蕭江

雨聲。

遜

密雲窮浦暗，飛電遠洲明。若非今宴適，

詎使客愁輕。

劉孺

遙舟似連鴈，遠火若迴星。江潭

望如此，銜卮其君傾。

桓季圭

賦詠聯句

弊履常決踵，眉高起半額。曼倩爾何爲，獨歎長

安索。

遜

工商旣慚巧，農士聊相易。蝨腹有餘資，

鴻眉方可拍。

江革

攝職媿握蘭，濫官悲執戟。連章

既不敏高談豈能劇。

孺

逸翮任奮飛。窘步事羈

勒。還鳥余能繫。流言爾無惑。

革

憂懷乃千載。永

歡常數刻。直是悲別離。非關念通塞。

遜

日照汀

沙。素山影波浪黑。爾限大江南。余歸茂陵北。

孺

臨別聯句

臨別情多緒。送歸涕如霰。君望長安城。予悲獨

不見。

遜

爾來同去國。予歸方異縣。懷別心獨憂。

手淚方濺濺。

孺

增新曲相對聯句

酒闌日隱樹上客請調絃嬌人挾瑟至逶迤未

肯前

劉孝勝

舊愛今何在新聲徒自憐有曲無人

聽徙倚高樓前

何澄

徘徊映日照轉側被風吹徒

爲相思響傷春君不知

劉綺

月昏樓上坐含悲望

別離已切空牀怨復看花柳枝

遜

照水聯句

插花行理鬢遷延去復歸雖憐水上影復恐濕

羅衣

遜

臨橋看黛色映渚媚鉛暉不顧春荷動

彌畏小禽飛

綺

折花聯句

笑出春園裏，望花聯袂，纈欲以間珠鈿，非爲相思折。遜日照爛成綺，風來聚疑雪，試採一枝歸，願持因遠別。綺

搖扇聯句

紈扇已新製，蕩婦復新粧，欲掩羞中笑，還飄袖裏香。遜在握時搖動，當歌掩抑揚，誰云減羅袂，影日聊自障。綺

正釵聯句

竹臺歸欲礙花林出未通度簪先分影轉珥一

瞻風

遜

雙橋耀寶鈿闐闐密復叢羞令挂

一作桂

纓闕整插補餘空

綺

本傳

何遜字仲言，東海剡人也。曾祖承天，宋御史中丞。祖翼，員外郎。父詢，齊太尉中兵參軍。遜八歲能賦詩，弱冠州舉秀才。南鄉范雲見其對策，大相稱賞。因結忘年交好。自是一文一詠，雲輒嗟賞。謂所親曰：「項觀文人，質則過儒，麗則傷俗。其能含清濁中，今古見之。」何生矣。沈約亦愛其文。嘗謂遜曰：「吾每讀卿詩，一日三復，猶不能已。其爲名流所稱如此。」天監中起家奉朝請，遷中衛

建安王水曹行參軍兼記室王愛文學之士日
與遊宴及遷江州遜猶掌書記還爲安西安成
王參軍事兼尚書水部郎母憂去職服闋除仁
威廬陵王記室復隨府江州未幾卒東海王僧
孺集其文爲八卷初遜文章與劉孝綽並見重
於世。世謂之何劉。世祖著論論之云。詩多而能
者。沈約少而能者。謝朓何遜。時有會稽虞騫工
爲五言詩。名與遜相埒。官至王國侍郎。其後又
有會稽孔翁歸。濟陽江避。並爲南平王大司馬。

府記室翁歸亦工爲詩避博學有思理更注論語孝經二人並有文集

梁何記室集終

何記室集

卷全

傳

記

何陋室集

王愛文學之士曰

之述其友述江外追復掌書記還爲安西安成

參軍尋奉命出外討而母憂去職服闋除仁

州刺史王記室復隨府江州末幾卒東海王僧

集其文爲八卷初題文章典劉孝綽並見重

世世謂之何陋室著論論之云詩多而能

少而能者何陋室何陋室時有會稽王僧綽工

詩筆雖二人並有文集

王王僧綽其後又



